

ԵՎՐՈՊԱԿԱՆ ԺԱՌԱՆԳՈՒԹՅԱՆ ՕՐԵՐԻ ՃԱՄԲԱՐ *

ՀՏԴ: 02(479.25)

ՀՀ կրթության, գիտության, մշակույթի և սպորտի նախարարության համակարգմամբ Հայաստանում ավել քան 20 տարի անցկացվում է «Եվրոպական ժառանգության օրեր» ծրագիրը, որի շրջանակում 2023 թ. Եվրոպայի Խորհուրդը հայտարարել էր «Եվրոպական ժառանգության օրերի պատմություններ» դրամաշնորհային մրցույթը: «Եվրոպական ժառանգության օրեր» ծրագրին միացած տարբեր երկրների մշակութային կազմակերպություններ հնարավորություն ունեցան մասնակցել այս մրցույթին:



2023 թ. Եվրոպայի Խորհրդի կողմից հայտարարված «Եվրոպական ժառանգության օրերի պատմություններ» դրամաշնորհային ծրագրին

ՀՀ կրթության, գիտության, մշակույթի և սպորտի նախարարության համակարգմամբ դիմել էր նաև Խնկո Ապոր անվան ազգային մանկական գրադարանը՝ ներկայացնելով «Հեքիաթի դեսպաններ» խորագիրը կրող հեղինակային նախագիծը: Աշխարհի տարբեր երկրներից ներկայացված 120 հայտերից մրցութային փուլը հաղթահարել և

* Ներկայացվել է 13.06.2024, ընդունվել է տպագրության 26.06.2024:
The article was submitted on 13.06.2024, accepted for publication on 26.06.2024.

ԳՐԱԴԱՐԱՆԱՅԻՆ ԻՐԱԴԱՐՁՈՒԹՅՈՒՆՆԵՐ

լավագույնների ցանկում ընդգրկվել են Հայաստանի, Իտալիայի, Ֆրանսիայի, Հունաստանի, Ուկրաինայի, Գերմանիայի, Լիտվայի, Անգլիայի ներկայացրած նախագծերը:

Նախագիծը Խնկո Ապոր անվան ազգային մանկական գրադարանն իրականացրել է Լոռու մարզի Սպիտակի քաղաքային գրադարանում և Տավուշի մարզի Աջաջուրի մշակույթի տանը:

Ծրագիրը մեկնարկել է 2024 թ. մարտից. Լոռու մարզի Սպիտակի քաղաքային գրադարանում՝ մարտի 27-ին, Տավուշի մարզի Աջաջուրի մշակույթի տանը՝ մարտի 29-ին՝ «Եվրոպական ժառանգության օրերի ճամբար» խորագրի ներքո:



Ծրագրի առաջին փուլում Խնկո Ապոր անվան ազգային մանկական գրադարանը Սպիտակի քաղաքային և Աջաջուրի համայնքային գրադարաններին նվիրաբերել է շուրջ 400 անուն նորատիպ մանկապատանեկան գրքեր, որոնք տեղադրվել են գրադարանի նորաբաց ընթերցանության անկյուններում:

Այնուհետև, մարզերի վերոհիշյալ գրադարանների 8-14 տարեկան շուրջ 30 ընթերցողների համար իրականացվել են վարպետության դասեր. ապրիլի 25-28-ը Աջաջուրի մշակույթի տանը, իսկ մայիսի 2-5-ը՝ Սպիտակի քաղաքային գրադարանում:

Խնկո Ապոր անվան ազգային մանկական գրադարանի աշխատակիցները մանուկ և պատանի ընթերցողների համար անցկացրել են տարբեր երկրների մշակութային ժառանգության և պահպա-

ԳՐԱԴԱՐԱՆԱՅԻՆ ԻՐԱԴԱՐՁՈՒԹՅՈՒՆՆԵՐ

նությանն առնչվող միջոցառումներ, եվրոպական մանկապատանեկան գրքերի ընթերցում, թեմատիկ քննարկումներ, ինտերակտիվ վիկտորինաներ, որոնց միջոցով ամրապնդվել են ծրագրի շրջանակում ստացած գիտելիքները: Ծրագրի մասնակից երեխաների համար անցկացրել են նկարչական վարպետության դասեր: Երեխաները նկարչական արվեստի աշխարհում իրենց առաջին քայլերն են արել, սովորել են նկարչական հիմունքները, նոր հմտություններ ձեռք բերել, յուրացրել նկարչական խառը տեխնիկայի նրբությունները, զարգացրել ստեղծագործական միտքն ու կարողությունները:

Ծրագրի ամփոփումն ու փակման արարողությունը տեղի է ունեցել 2024 թ. մայիսի 15-ին, Խնկո Ապոր անվան ազգային մանկական գրադարանում:



Արարողության շրջանակում բացվել է «Մշակույթների երկխոսություն» խորագիրը կրող ցուցահանդեսը, որտեղ ներկայացվել են Սպիտակի և Աջաջուրի գրադարանների՝ ծրագրին մասնակից երեխաների նկարչական աշխատանքները: Ցուցադրվել են ճամբարի օրերին նկարչության դասընթացի շրջանակում երեխաների կողմից ստեղծած դիմանկարները: Որպես ոգեշնչման աղբյուր՝ երեխաներն ընտրել էին իտալացի նկարիչ Ա. Մոդիլյանի և ֆրանսիացի նկարիչ Ֆ. Լեժեի կտավները՝ կիրառելով հայկական մանրանկարչության զարդանախշերի նմուշները:

ԳՐԱԴԱՐԱՆԱՅԻՆ ԻՐԱԴԱՐՁՈՒԹՅՈՒՆՆԵՐ

Այսպիսով, Խնկո Ապոր անվան ազգային մանկական գրադարանը հաջողությամբ իրականացրել է ևս մի նախագիծ:



Ծրագիրը հնարավորություն է տվել մարզերում բնակվող մանուկ և պատանի ընթերցողներին կրթամշակութային դասընթացների միջոցով հաղորդակցվել եվրոպական և հայկական մշակութային ժառանգությանը, ձեռք բերել նոր գիտելիքներ, ընթերցանության և արվես-

տի միջոցով զարգացնել ստեղծագործական կարողություններն ու միտքը:

Հատկանշական է, որ ծրագրի շրջանակում Սպիտակի և Աջաջուրի գրադարանները համալրվել են նորատիպ մանկապատանեկան գրքերով, ինչն ընթերցանության խթանման լավագույն միջոց է:

Խնկո Ապոր անվան ազգային մանկական գրադարան